

ASUNTU NE'EBÉ PRESIZA TAU ATENSAUN

- ▶ Konfliktu entre família
- ▶ Konfliktu entre joven
- ▶ Konfliktu fronteira

Durante Fulan Janeiru Insidente Kauza Ba Ema Mane Nain 5 Mate, No Kanek 28 Mane No Feto Kanek 6

Belun nia monitorizasaun insidente ba fulan Janeiru ne'e konkluir tuir dadus nasionál hetan katak total insidente 72 durante fulan Janeiru iha Distritu 13 hamate ema nain 5, kanek nain 34, relasaun la diak kauza husi insidente fulan Janeiru 48.

Iha Distritu Dili, Suku Lahane Orientál, konfrontasaun fiziku entre joven impaktu ba joven mane ida mate tanba hetan tuda husi joven mane grupu ida. Iha Aldeia Mate La Hotu Comoro – Dili, joven mane grupu ida lori besi kanu baku joven mane ida mate kedas iha fatin no joven mane ida mós mate iha Bekora tanba hetan sona husi joven mane grupu ida. Sorin seluk, iha Distritu Bobonaro oknum Polisia ida halo atuasaun ba ema mane ida ne'ebé moras psikolójia ne'ebé ho katana atu ta'a labarik mane ida no mane katuas ida hafoin oknum PNTL ne'e lori kilat tiru mate kedas mane ne'e. Distritu Likisa, mane ida lori katana ta'a mane ida mate kedas iha fatin no mane ne'e mós lori katana ta'a kona mane ne'ebé mate nia ferik oan kanek todan.

Rezolusaun sira ligadu ho insidente ne'ebé hamate ema

Autor ne'ebé hamate ema nain lima durante fulan Janeiru prosesa ona iha Ministériu Públiku no tama ona ba sela tuir sentensa ne'ebé mak hakotu husi Juiz iha tribunál. Sorin seluk ligadu ho oknum PNTL ne'ebé tiru mate mane ne'ebé mak lori katana ta'a ema mane ne'ebé moras psikolójia ne'e tuir verifikasaun hetan katak iha ona prosesu investigasaun maibé to'o oras ne'e oknum PNTL ne'e sei livre no seidauk hetan sansaun ruma ba oknum PNTLne'e.

Total insidente fulan Janeiru 2014	
Distritu	Insidente
Aileu	1
Ainaro	4
Baucau	6
Bobonaro	3
Covalima	2
Dili	26
Ermera	1
Lautem	6
Likisa	3
Manatuto	3
Manufahi	3
Oekusi	10
Vikeké	3
Total	71

TENDENSIA KONFLITU

Konfliktu entre membru família

Rezultadu monitorizasaun insidente durante fulan Janeiru nian iha Subdistritu 43 iha Distritu 13 iha Timor hetan katak insidente entre família ho porsentajen 24%. Valor insidente ne'e hatudu katak iha potensia konfliktu entre membru família ne'ebé iha kresimentu ne'ebé presiza tau atensaun ba ne'e. Distritu sira ne'ebé reporta insidente konfliktu entre membru família mak hanesan; Distritu Lautem (1), Distritu Dili (4); Distritu Ainaro (2); Distritu Ermera (1); Distritu Baucau (2); Distritu Manatuto (1); Distritu Oekusi (2); Distritu Likisa (2); Distritu Bobonaro (2).

Insidente entre joven

Insidente joven iha asaun violénsia ho valor 50% sai hanesan valor nominál insidente ne'ebé a'as liu kompara ho insidente seluk ne'ebé akontese iha fulan Janeiru 2014 ne'e. Sorin seluk, Distritu Dili sai hanesan Distritu ne'ebé insidente mosu barak liu ho kuantidade insidente 17. Insidente ne'ebé reporta ligadu ho joven iha asaun violénsia akontese iha Distritu sira hanesan; Distritu Lautem (3); Dili (17); Vikeke (1); Ainaro (4); Baucau (4); Manufahi (5); Oekusi (2).


Konfliktu Fronteira

Iha Fulan Janeiru 2014, comunidade Naibenu (Kupang – Indonezia) insulta no akuza comunidade Aldeia Lakufoan na'ok comunidade Naibenu nia animal no dada subar tama mai Aldeia Lakufoan. Alende Insulta verbál no akuzasaun comunidade Naibenu estraga mós kuadru avizu fronteira nian tolu. Polisia UPF hamutuk ho Tentara Nasionál Indonezia halo atuasaun ba parte rua konfliktu.


Asaun Resposta ba konfliktu fronteira

Polisia UPF koopera hamutuk ho Tentara Nasionál Indonezia halo atuasaun ba insidente refere. No hafoin insidente ne'e Delegasaun Ministériu Negosiu no Estranjeiru halo ona aprosimasaun ba Komandante Tentara Nasionál Indonezia iha Kefamenanu hodi sai aprosimador hodi bele aprosima ba administrador Distritu Kefamenanu no Administrador Subdistritu no mós Komisaun ida hari'i ona husi Ministériu Solidariedade Sosiál (MSS), Administrador Distritu Oekusi no delegasaun Ministériu Solidariedade Sosiál no Sekretária Estada da Seguransa sei hala'o tara bandu iha (dia 28/02/2014),iha Leolbatan bodik ba kesi uniaun comunidade rua atu moris ho hakmatek no trankilidade


Total Insidente ne'ebe reporta : Jan '13 - Jan '14




Se mak Hahu Halo Violensia?




Tipu Violensia




Fatin Insidente




Metode Violensia



Saida Mak Hun no Abut Konfliktu



Impaktu



ATIVIDADE PREVENSAUN NO RESPONDE BA KONFLITU

ATIVIDADE EKIPA MEDIASAUN, REZOLUSAUN NO DIPSUTA (MRD)

Atividade Level Subdistritu

Atividade ne'ebé Belun hala'ó iha fulan Janeiru 2014, mak liu husi Ekiba Mediasaun, Rezolusaun no Disputas (MRD), iha 22- 24 Janeiru 2014 hala'ó treinamentu kona ba Mediasaun no Rezolusaun konfliktu ba funsionariu Diresaun Terras e Propriedades Distritu Dili no Lider Komunitária husi Subdistritu tolu mak hanesan; Subdistritu Metinaro, Subdistritu Cristu Rei, no Subdistritu Nain feto. Iha dia 28 Janeiru halo mediasaun ba disputante (2) disputa rai iha Distritu Dili, Subdistritu Verra Cruz, Suku Kaikoli. Mediasaun ne'e la hetan solusaun no parte rua prosesa ba tribunál hodi hetan justisa. Iha 29 Janeiru 2014. Iha Suku Sau, Subdistritu Manatuto, hala'ó mediasaun ba disputante nain hira (2) hetan solusaun liu husi asina akordu entre parte rua no kesi ho relasaun família parte rua nian.



Manajer Programa MRD hato'ó palestra durante treinamentu (Sorin Los)

ATIVIDADE EKIPA DAMME

Ekiba DAME realiza atividade iha fulan Janeiru 2014 nian mak hanesan;

Atividade Level Subdistritu

- ▶ Iha dia 16-17 de Janeiru 2014, Ekiba Dame realiza trinamentu internal ba staff DAME sira kona ba Skill Fasilitasaun no Monitoring no Evaluasaun s

- ▶ Iha dia 21-24 Janeiru 2014 treinamentu kona ba Proposta, Lideransa no Mediasaun ba Rede Prevenaun no Responde Konfliktu (RPRK) Subdistritu Nain Feto no Subdistritu Cristu Rei, Distritu Dili.
- ▶ Iha dia 27-28 de Janeiru 2014, treinamentu kapasitasaun kona Hakerek Proposta, Mediasaun ba Rede Prevenaun no Reponde Konfliktu (RPRK) iha Subdistritu Laleia, Distritu Manatuto
- ▶ Iha dia 29 – 30 de Janeiru 2014, treinamentu kona ba Hakerek Proposta no Mediasaun ba Rede Prevenaun no Reponde Konfliktu (RPRK) Subdistritu Manatuto, Distritu Manatuto.
- ▶ Iha dia 31 de Janeiru 2014 – 1 de Fevereiro 2014, treinamentu kona ba kapasitasaun kona ba tekniku haekerek proposta no mediasaun, iha Subdistritu Lacro, Distritu Manatuto.
- ▶ Iha dia 28 de Janeiru 2014, iha Subdistritu Zumalai, Distritu Covalima ekiba DAME realiza workshop kona ba Direitu ba Rai ba comunidade Subdistritu Zumalai.



Staff DAME fasilita treinamentu ba Rede Prevenaun no Responde Konfliktu (RPRK)

ATIVIDADE EKIPA ATENSAUN NO RESPONDE SEDU BA KONFLITU (ATRES)

Atividade Level Nasionál

Ekiba AtRes, iha dia 25 – 27 de Janeiru 2014 hala'ó treinamentu ba monitor Belun nian iha Edifisiu Belun nian. Monitor foun sira ne'e komposta husi ema nain lima (5) husi Distritu Baucau, Distritu Covalima, Distritu Manufahi, Distritu Aileu no Distritu Ainaro.

Ministériu Solidariedade Sosiál

- ▶ Hamosu Divizaun ida atu halo konseling ba família sira kona ba rezolusaun konflitu entre membru família atu nune'e bele prevene insidente entre membru família

Polisia Nasionál Timor Leste (PNTL)

- ▶ Hakbi'it Polisia komunitaria atu bele halo aprosimsaun familiar ba comunidade ida ida hodi Sosiáliza prevensaun konflitu.
- ▶ Halo kooperasaun ho katekista sira iha Baze hodi bele fo formasaun ba família sira kona ba rezolusaun konflitu ba comunidade sira iha Suku ida idak ne'ebé Polisia komunitaria iha ba.
- ▶ Haforsa rejimentu internal PNTL nian atu fo sansaun disiplinar ba membru PNTL ne'ebé envolve iha asaun violénsia.

Sekretáriu Estadu Juventude no Desportu

- ▶ Hala'o peskija ida ba varias necessidade no kondisoens ba juventude iha Timor Laran hodi bele identifika necessidade no kondisaun no situasaun joven Timor nian no sai mós referencia ida ba política Sekretáriu Estadu Juventude no Desportu.

Igreja Katoliku

- ▶ Habelar liu tan atividade pastorál familiar atu bele hatu'ur família nu'udar sentru ba dame no prevensaun konflitu internal ba família.
- ▶ Habelar liu tan atividade Joven ba Cristo atu bele hado'ok joven sira husi konflitu no prevensaun konflitu ba futuru
- ▶ Haforsa kampania kontra alkohol perante atividade pastorál atu bele hamenus volume insidente ligadu ho alkohol.
- ▶ Foinsa'e Katoliku presiza haforsa atividade joven apostlo ba joven atu bele aseguara harmonizasaun entre jovens sira no hado'ok joven sira husi konflitu.

Ministériu Negosia Estranjeiru no Kooperaaun

- ▶ Koordena, konsulta no negocia ho governu Indonezia atu bele koalialais kona ba demarkasaun final liña fronteira nian hodi bele minimiza insidente entre comunidade rua ne'ebé hela iha fronteira (Oekusi – Timor Leste no Kefamenanu Indonezia).
- ▶ Koordena ho Governu Indonezia hodi bele hari'I taskforces ida iha comunidade fronteira atu bele aseguara no antisipa insidente entre comunidade rua iha liña fronteira.

Revista situasaun ne'e relata konaba asuntu xave relasiona ho insidente violénsia no tendensia husi koleksaun dados monitorizasaun liu husi Sistema Atensaun no Responde sedu (AtRes) Timor-Leste durante Janeiru 2014. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele Ikarifika ka update dados ne'ebé ami iha liu husi AtRes.

Maria Marilia O. da Costa (Manajer programa AtRes): bylah.belun@gmail.com (+670 7727 6671)

Pedro de Araujo dos Santos (Ofisial Política Publiku): pedroa.belun@gmail.com (+670 7700 1421)